



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacrum Misericordiæ Palativm

Variis Sacræ-Scriptvræ Locis, Atqve Septem misericordiæ operibus quasi
peristromatibus exornatum

Gazaeus, Nicolaus

Augustae Trevirorum, 1618

Vt hæ confusiones atque supplicia vitentur monet author diuites &
mundanas filias ad superfluitatum contemptum cap 30.

[urn:nbn:de:hbz:466:1-54459](https://nbn-resolving.org/urn:nbn:de:hbz:466:1-54459)



VT HÆ CONFVSIO-
NES ATQVE SVPPPLICIA E-
VITENTVR, MONET AVTHOR
diuites & Mundanas filias ad super-
fluitatum contemptum.

CAPVT XXX.

Cvm in rebus omnibus, viris maxime
sanctitatis prærogativa insignibus, fi-
des adhibeatur, magnique sit apud omnes
ponderis testimonium à viro sancto effa-
tum, hanc admonitionē à verbis diui Hie-
ronymi Sabinianum quendam mundanum
iuuenem exhortantis ordiar: *Hoc* (inquit)
plango, quod te ipsum non plangis, quod te non
sentis mortuum quod quasi gladiator paratum
litturæ in proprium funus ornaris, amicum
linteis, digitos annulis oneras, dentes pulueri
teris, raros in rubenti caluaria digeris capillos:
Super hæc unguenta fragras, mutas balnea,
contra renascentes, pilos pugnas, per forum ad
plateas nitidus ac politus amator incedis: facta
meretricis facta est tibi, nescis erubescere, con-
uertere miser ad Dominum Quod huic adbe-
lescenti inquebat diuis Hieronymus, ad-
ipsum

*Epist. ad Sab.
tom. 1.*

ipsum tibi ô Mundane intimare possum,
eadem te inuictina aggrediens. Siccine for-
tis propriæ oblitus es? vbi sensus, vbi men-
tis tuæ ratio abiit? Mortalem te esse memē-
to. Nudus egressus es ex vtero matris tuæ,
nudus formatus è limo terræ; nudus item
reuerteris illuc. Pauperem inspicias laceris
vix contactum semicinctijs; & cōtemnis?
Miserere conditionis tuæ (inquit Chrysost:)
& time, ne & ipse talis efficiaris.

Nescis quid serus vesp̄er vehat.

Memento Naturæ proximi, tui nec e-
nim ferreus vel lapideus est, sed eadem quā
tu, constat carne. Non potes nisi byssinis
indui vestimentis, & hic silicino indiget
sacco, quo suam tegat nuditatem. Vituli-
nas, Ovinasque pelles paruipendis nec tuis
accommodas vsibus, lupinas vulpinas, Par-
dineasque inquirens, & hic miser proxim⁹
frigore horrescit. Recordare diuitis illius
epulonis qui quotidie induebatur bysso &
Purpura, quomodo postmodum vita fun-
ctus ignitis flammis quasi vestimentis fue-
rit circumtectus. Vel si tibi hæc parua vi-
dentur, accede crucem & in ea nudatum
inuenire Christum te nihilominus splendi-
dissimis induto vestimentis, ibiq; semel at-
que iterum, immo per sepe reuolue formi-

dandam illam iudicis, Christi vocem: *Nudus eram & non cooperuistis me.* quam si ò homo euadere vis Nudos tuis sumptibus atque superfluitatibus contege. Hæc Mundano dicta sufficiant. Ad mulieres me conuerto, quæ præcipuè in hoc deficiunt. Verum in earum repræhensione oleum & operam me lusurum existimo, adeò suis student vanitatibus, adeoque vestimentorum insudant varietati, vt non ad instar mortaliū, sed vt similitudo templi composita videantur. Annulatos gestant crines, atque artificiosè nodatos aureis vel argenteis pingunt pulueribus. Collum lapidibus cingunt pretiosis, auribus in aures appendunt, brachia dextraliolis ornant, nec vllum abique vanitate aliqua locum relinquunt. Sed heu! quanta est humanorum mentium, & præcipuè nobilium dominarum, in hac re deficientium fatuitas! Vultis insipientiam agnoscere? Similes sunt aurigæ qui neglecto equo insigni, currum vacuū sumptuosius tegit pannis: quid aliud agunt domicelle. Corpus suum insignibus cingunt indumentis, at verò animam (quæ ad instar equi est) nec modicis induunt virtutibus, vultus suos depingunt stybio & variatis coloribus, at animam suam fecdam & turpem relinquunt.

quunt. Corpori pretiosa tribuunt vesti-
menta, at animam virtutibus, bonisq; pri-
uant operibus. Quæ maior excogitari po-
test insipientia? Corpora vestra, sepulchra
efficitis dealbata. Tegitur sepulchrum coc-
co dum corpus inanime illi impositum est;
& vos corpus quod sepulchrum animæ ve-
stræ iam in vitijs defunctæ est, delicatis nec
non pretiosis circumtegitis indumentis.
Hanc insipientiam sicut eleganter, ita aptè
reprehendit Diuus Chrysost: dum inquit:
Si quis domum tuam velit aureis expensis or- Hom. 70. in
nare te verò nudum in cilicijs sedere cogeret, Matth.
iam æquo animo id ferre posses? Nunc verò
non alius, sed tu, domicilium animæ tuæ (cor-
pus dico) auro & gemmis exornas, animam
verò in turpitudine peccati sedentem negligis.
Magna igitur insipientia est, adeò hoc cor-
ruptibile corpus; delicijs instruere, vt ani-
mæ prorsus obliuiscamur. Cuius te pre-
cor, maximè reprehensus fuit diues epulo?
Nonne quia spreto paupere Lazaro, nudif-
quo relictis artub⁹ eius, ipse splendide ve-
stiebatur bysso & purpura? Nunquid quia
ornato corpore, nudam, virtutibusque spo-
liatam, & inopem animam reliquerat? Tha- 2. Reg. 13.
mar, statim vbi vim passa fuit à fratre, scidit
vestimenta sua.

En

En anima tuâ ò Filia Mundanis addicta
 vanitatibus deflorata est per superbiam, &
 infinita alia peccata, quid ni ergò scindis
 vestimenta tua exteriora, illa pauperibus
 condiuidens? Contegis faciem tuam (qua
 tamen præcipua corporis tui pars est, & for-
 molissima) tanta cum sollicitudine: & nudi
 membra proximi tui, inhonestioresque
 partes sine compassione, intueri poteris?
 Mortuum corpus & insensibile linteo &
 veste inuoluis, & viuum corpus, nudum re-
 linquere poteris? Mortuos crinibus spolia-
 tis, vt vobis periscelidas ac verticis orna-
 menta paretis, & viuos nudos relinquetis?
 Ni reuera pauperibus, vestra copia subue-
 niatis, Deus, ijs quibus gaudetis ornamen-
 tis vos spoliabit. Id apertissimè intentat
 Propheta, his verbis: *Quare facies paupe-
 rum commolitis?* & respondet in persona
 Domini. *Pro eo quod eleuati sunt filia Sion,
 & ambulauerunt extento collo, & nutibus
 culorum, ibant & plaudebant, ambulabant
 & pedibus suis composito gradu incedebant;
 decaluabit Dominus verticem filiarum Sion,
 & crinem earum nudabit. In die illa auferet
 Dominus ornamentum calceamentorum, &
 lunulas & torques & monilia & armillas &
 mitras & discriminalia, & periscelidas, &*

mate.

saie. 3.

zurenulas, & olfactoria & in aures, & annu-
los, & gemmas in fronte pendentis, & muta-
toria, & palliola, & linteamina & acus, &
specula & sindones, & vittas & theristra Et
erit pro suavi odore faetor, & pro Zona funicu-
lus, & pro crispanti crine, caluitium & pro fas-
cia pectorali cilicium. Nec mirum si huius-
modi minas intentat Deus, eo namque us-
que excreuit Mundanarum filiarum vani-
tas, ut siquam habitu peregrino viderint
mulierem, vestis illius exemplar retineant,
ut eodem modo induantur, cum tamen
minetur Deus se visitaturum eas qua habi-
tu peregrino vestiuntur. Nec ego in ha-
rum vanitatem, vestiumque superfluitate
inucherer, nisi id cum pauperum incommo-
do atque contemptu fieret. Diogenes sub-
lannabat quondam Megarenses mulieres,
eo quod pellibus delicatissimis atque du-
plicatis intemperiem à se aëris propelle-
bant, sinebantque proles nudas in frigoris
rigore: sed eadem irrisione dignas vos iu-
dico, quæ sine ratione nuditatem proximi
non subleuatis. Operite igitur nuda mem-
bra Christi, immo Christum ipsum in nu-
do paupere. Operite Ecclesiarum muros
tapetibus, altaria ornamentis, calices de-
aura-

Sop. 1.
P. Crespet in
mabogran.
tract. 2.

auratione, & à Christo cum delectatione audietis, *Nudus eram & operuistis me.*

Math. 6.

Verum dicet aliquis. Libenter pauperi succurrerem atque nuda membra meis indumentis contegerem, at vereor ne postmodum vel ego vel proles mea, penuria eorum laboremus. Hic sensualis timor est, carnalisque vox, non spiritualis. Quid veritas respondeat audiamus: *Ne solliciti sitis corpori vestro quid induamini.* Et infra: *Et de vestimento quid solliciti estis? Considerate lilia agri quomodo crescunt, non laborant neque nent. Dico autem vobis quoniam nec Salomon in omni gloria sua coopertus est sicut vnum ex istis: Si autem fœnum agri quod hodie est, & cras in clibanum mittitur, Deus sic vestit, quanto magis vos modica fidei?*

Alius inferet, contegamne pauperes qui statim suâ vestimenta lacerant vel diuendunt? Quidni? mater, nudatos filij artus licet indumenta abiecerit fouet & calefacit, sic tu charitati insudans, nuda membra proximi contege & foue, nam maximam in nuditate patitur miseriam & confusionem. Miseriam quidem, quia corporis partes frigore congelatæ horrescunt, confusionem verò quia pudet illum nuditatis suæ. Hinc protoplastus Adam se nudum conspiciens,
inter

inter abditas paradisi arbores condit. *timet*
(inquiens) eo quod nudus essem & abscondi
me. Ideo D. Paulus inter grauissimos labo-
res nuditatem connumerat, dum ait: *Quis*
non separabit à charitate Christi? Tribulatio
an angustia, an fames, an nuditas? Illorum
pauperum igitur succurrite Miseriæ,
donec in cœlesti patria indua-
mini virtute ex alto.

Rom. 8.



DE